



# basic education

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS**

**SESOTHO PUO YA LAPENG (HL)**

**PAMPIRI YA BORARO (P3)**

**2021**

**TATAISO YA HO TSHWAYA**

**MATSHWAO: 100**

**Tataiso ena ya ho tshwaya e na le maqephe a 10.**

**KAROLO YA A: MOQOQO****Dintlha tsa tataiso tsa meqoqo**

- 1.1 **Eka nka be ke buile mantswe ana pele a hlokahala.**  
Mohlalobuwa o pheta pale eo ho yona a re phetelang mantswe ao a neng a lakaditse hore a ka be a buile pele mofu eo a hlokahala;

**Dikahare tse ka lebellwang e ka ba tsena tse latelang:**

- Moqoqong ona mohlalobuwa o qoqa ka mantswe ao a neng a lokela ho a bua ho mofu pele a hlokahala.
- A hlalose maikutlo a hae a ho hloleha ho bua mantswe a neng a lakaditse ho a bua ho mofu.

**[50]**

- 1.2 **Dikgutsana le tsona ke batho.**  
Moqoqong ona mohlalobuwa o hlalosa sehlooho ka bokgutshwane.

**Dikahare tse ka lebellwang e ka ba tsena tse latelang:**

- Mohlalobuwa o hlalosa kamoo dikgutsana di phelang kateng.

**[50]**

- 1.3 **Thibelo ya ho nyoloha ha dipalopalo tsa batho ba tshwaetswang ke kokwanahloko ya Covid – 19 ke boikarabelo ba motho ka mong hape ke ba mmuso.**

Mofuteng ona wa moqoqo mohlalobuwa ha a kgethe lehlakore, o tlameha ho tshehetsa mahlakore ka bobedi a sehlooho, mme a hlahise ntlhakemo ya hae.

**Dikahare tse ka lebellwang e ka ba tsena tse latelang:**

- Mohlalobuwa a bontshe kamoo thibelo ya ho nyoloha ha dipalopalo tsa batho ba tshwaetswang ke kokwanahloko ya Covid – 19 e leng boikarabelo ba motho ka mong kateng.
- Mohlalobuwa a boele a hlahise dintlha tse ding tse bontshang kamoo thibelo ya ho nyoloha ha dipalopalo tsa batho ba tshwaetswang ke kokwanahloko ya Covid – 19 e leng boikarabelo ba mmuso kateng.

**[50]**

- 1.4 **Ebe ho theola mmele ho ka ba le ditlamorao tse ntle kapa tse bosula?**  
Mofuteng ona wa moqoqo mohlalobuwa o kgetha lehlakore la hae, mme a le tshehetse ka dintlha tse utlwahalang.

**Dikahare tse ka lebellwang e ka ba tsena tse latelang:**

- Mohlalobuwa a ka qoqa ka ditholwana tse bosula tse bakwang ke ho theola mmele.
- Mohlalobuwa a ka qoqa ka molemo wa ho theola mmele.

**[50]**

**1.5 Tumelo ya Sekeresete e bolaile setso sa batho ba batsho matsatsing a kajeno.**

Mofuteng ona wa moqoqo mohlalobuwa o hlalosa sehlooho ka botebo.

**Dikahare tse ka lebellwang e ka ba tsena tse latelang:**

- Mohlahlobuwa a sekaseke ditumelo tsa batho ba batsho mehleng ya pele.
- A sekaseke kamoo tumelo ya Sekeresete e fetotseng ditso tsena kateng.
- Mohlahlobuwa e mong a ka bua ka dikhomishene tse teng naheng ena tse thusang ho sireletsa ditso tse fapafapaneng.
- Mohlahlobuwa e mong a ka bontsha hore ha se tumelo ya Sekeresete e lahlisitseng batho setso sa bona mme a totobatse seo e leng sona. A tshehetse ntlhakemo eo ka mabaka a utlwahalang.

**[50]****1.6 Setshwantsho sa 1.6.1; 1.6.2 le 1.6.3**

- Moqoqong ona mohlalobuwa o boha setshwantsho, mme o iqapela sehlooho ka mohopolo wa sehlooho o qholotswang maikutlong a hae.

**Dikahare tse ka lebellwang e ka ba tsena tse latelang:**

- Moqoqo ona o ka ngolwa ho tswa lehlakoreng lefe kapa lefe, ho latela moelelo oo a o fumanang ka setshwantsho.

**[50]****MATSHWAO OHLE A KAROLO YA A: 50**

**KAROLO YA A: MOQOQO****Ditaelo ho motshwai:**

- Mohlahlobuwa o lokela ho ngola ka sehlooho se le SENG FEELA KAROLONG YA A, mme a ngole ka dihlooho TSE PEDI KAROLONG YA B.
- Karolo ka nngwe e na le ruburiki ya yona.
- Sebedisa diruburiki tseo o di fuweng bakeng sa ho tshwaya tema ka nngwe.
- Mohlahlobuwa a etse moralo bakeng sa tema ya hae.
- Ha mohlahlobuwa a **tswile lekoteng** moqoqong, etsa tsena tse latelang:
  - Mohlahlobuwa a abelwe matshwao bakeng sa dikahare ho fella kगतong ya pele feela boemong bo tlase.
  - Mohlahlobuwa a abelwe matshwao bakeng sa tshebediso ya puo ho fella kगतong ya pele feela boemong bo tlase.
  - Mohlahlobuwa a abelwe matshwao bakeng sa sebopeho ho fella kगतong ya pele feela.
  - Mohlahlobuwa a etse moralo bakeng sa tema ya hae: Motshwai a lekole dintlha (mehopolo ya sehlooho le e e tshehetsang) ho bona kamoo e lebisang tlhahisong ya diratswana le tema yohle kateng.

**Tataiso bakeng sa ho tshwaya moqoqo:**

Sehella lentswe kapa polelo e fosahetseng mola, o be o bontshe mofuta wa phoso hodima lentswe/polelo ka ho sebedisa matshwao ana a latelang:

- / bakeng sa ho arola mantswe a ngotsweng a kopantswe empa a lokela ho arolwa;
- , + bakeng sa ho kopanya mantswe a arohantsweng empa a ngolwa a kopane;
- mn bakeng sa mongolo (*orthography*) o fosahetseng;
- mp bakeng sa mopeleto o fosahetseng;
- mt bakeng sa tshebediso ya matshwao a puo a fosahetseng;
- p bakeng sa puo e sa sebediswang ka nepo kapa ka tshwanelo/tlwaelo;
- ^ bakeng sa lentswe kapa karolwana ya lentswe e siilweng dipakeng tsa mantswe;
- // bakeng sa ho arola diratswana;
- ← bakeng sa ha mohlahlobuwa a qadile polelo hara mola;
- ↑↓ bakeng sa ha mohlahlobuwa a fetoletse dintlha tsa hae a qadile ka eo a lokelang ho qetella ka yona.

**ELA HLOKO:**

- Sebedisa ruburiki ena e latelang ka nako tsohle ha o lekanyetsa meqoqo.
- Matshwao a 0–50 a arotswe ho ya ka dikgato tse 5 tsa ditlhaloso tsa phihlello.
- Lekgetheng la Dikahare, Puo le Setaele, tlhaloso e nngwe le e nngwe ya phihlello e arotswe habedi ho hlalisa boemo bo hodimo le boemo bo tlase; boemo bo bong le bo bong bo na le tlhaloso ya bona.
- Lekgetha la Sebopeho lona ha le a arolwa ka bokgoni bo nang le boemo bo hodimo le bo tlase.

**SENOTLOLO SA HO TSHWAYA:**

Makgetha a tekanyetso	Matshwao	Senotlolo
Dikahare le Moralalo	30	DM =
Puo le Setaele le Tokiso ya diphoso	15	PST =
Sebopeho	05	Seb =
<b>Matshwao ohle</b>	<b>50</b>	

**KAROLO YA A: RUBURIKI YA HO LEKANYETSA MOQOQO – (MATSHWAO A 50) SESOTHO PUO YA LAPENG (HL) – SLKT**

Makgetha a ho lekanyetsa	Phihlello e babatsehang	Phihlello e supang bokgoni	Phihlello e mahareng	Phihlello ya motheo feela	Phihlello e haellang
<b>DIKAHARE LE MORALO</b> Nehelano ya sehlooho: tlhophiso ya mehopolole dintlha, kelohlolo ya baamohedi ba ditaba, maikemisetso le maemo	<b>28–30</b> -nehelano e bontshang kutlwiso e babatsehang ya sehlooho e supang bokgoni bo ikgethang -mehopolole bontsha boqhetseke, e phephetsa monahano, mme ke e sutsitseng -e hlophisitswe ka tsela e ikgethang/babatsehang, mme e momahane ka tshwanelo ho kenyelleditswe selelekela, mmele le qetelo	<b>22–24</b> -nehelano e ralehleng hantle haholo -mehopolole e tsamaellana le sehlooho ka botlalo, e a kgahlisa, mme e na le bopaki ba mehopolole e sutsitseng -o hlophisitswe hantle haholo, mme o momahane ka tshwanelo ho kenyelleditswe selelekela, mmele le qetelo	<b>16–18</b> - nehelano ke e kgotsofatsang ditlhoheho; - mehopolole e momahane ka tsela e kgotsofatsang le e kgodisang; - o hlophisitswe ka tsela e utlwisisehang, mme o momahane ka tshwanelo ho kenyelleditswe selelekela, mmele le qetelo	<b>10–12</b> -nehelano e momahane mona le mane; -mehopolole ke e seng ya boiqapelo, mme e sa hlakang; -ho na le bopaki bo seng bokae ba tlhophiso le momahano ya nehelano	<b>4–6</b> -nehelano e tswile lekoteng hohang; -mehopolole ke e sa tsepamang e dubakaneng; -ha e utlwahale, mme dintlha di a phetakakwa; -ha e a hlophiswa ka tshwanelo le momahano ha e yo.
<b>MATSHWAO A: 30</b>	<b>25–27</b> - mosebetsi o tswileng matsoho leha o haellwa ke dintlha tse ikgethang tsa moqoqo o babatsehang; - mehopolole ke e sutsitseng, mme e bontsha boqhetseke; - o hlophisitswe hantle haholo ka tsela e ikgethang, mme o momahane ka tshwanelo ho kenyelleditswe selelekela, mmele le qetelo.	<b>19–21</b> - Nehelano e radilweng hantle; - mehopolole ke e loketseng, mme ke e thahasellisang - o hlophisitswe hantle ka tsela e bontshang bokgoni, mme o momahane ka tshwanelo ho kenyelleditswe selelekela, mmele le qetelo.	<b>13–15</b> -nehelano e a kgotsofatsa leha e sa hlaka mona le mane -mehopolole e momahane le ho kgodisa ka tsela e mahareng -ho na le tlhophiso le momahano e itseng ho kenyelleditswe selelekela, mmele le qetelo	<b>7–9</b> -nehelano boholo e tswile lekoteng -mehopolole ha e a momahana ka tshwanelo, mme e a lahlehisa -nehelano e na le bopaki bo fokolang haholo ba tlhophiso le momahano	<b>0–3</b> -boiteko ha bo yo ba ho arabela sehlooho -mehopolole e tswile lekoteng ka ho phethahala, ha e a nepahala -nehelano ha e a tsepama sehloohong, mme e dubakane
<b>PUO, SETAELE LE TOKISO YA DIPHOSO</b> Sehalo, rejisetara, setaele, tlhotlontse ke tse lokelang sepheo/tshusumetso le maemo Kgetho ya mantse Tshebediso ya puo le tiwaelo, matshwao a ho bala le mopeleto	<b>14–15</b> - sehalo, rejisetara, setaele le tlhotlontse di loketse sepheo ka tsela e babatsehang, baamohedi ba ditaba mmoho le maemo; - tshebediso ya hae ya puo e a ikgetha, mme e bontsha boitshelo ka tsela e tsotshang - o sebedisitse sehalo se sefutho, mme se susumetsang ka tsela e ikgethang - o batla o hloka diphoso tsa puo le tsa mopeleto; - o radilwe ka bokgoni bo tsotshang haholo.	<b>11–12</b> - sehalo, rejisetara, setaele le tlhotlontse di loketse sepheo, baamohedi ba ditaba mmoho le maemo haholo; - tshebediso ya puo e matla, mme ho sebedisitswe sehalo se loketseng ka nako tsohle; - boholo ba mosebetsi ha o na diphoso tsa tshebediso ya puo le mopeleto; - o radilwe hantle haholo.	<b>8–9</b> -sehalo, rejisetara, setaele le tlhotlontse di loketse sepheo, baamohedi ba ditaba mmoho le maemo -tshebediso ya puo ke e loketseng, mme e fetisa moelelo ka tshwanelo -puo ya bonono ke e loketseng, mme e sebedisitswe ka tshwanelo -sehalo se sebedisitswe ka tshwanelo: -o radilwe ka tsela e mahareng feela	<b>5–6</b> -sehalo, rejisetara, setaele le tlhotlontse ha di a lokela sepheo, baamohedi ba ditaba mmoho le maemo -puo e sebedisitswe feela ka tsela ya motheo -sehalo mmoho le moelelo o hlalishang ke tema ke tse sa lokelang -ho sebedisitswe tlhotlontse ya motheo feela	<b>0–3</b> -puo e sebedisitsweng ha se e utlwisisehang -sehalo, rejisetara, setaele le tlhotlontse ha di a lokela baamohedi ba ditaba, sepheo le maemo -tshebediso ya tlhotlontse e haellang haholo hoo nehelano e sa utlwisisehang
<b>MATSHWAO A: 15</b>	<b>13</b> - tshebediso ya puo ke e matla, mme e loketseng maemo - o batla o hloka diphoso tsa puo le tsa mopeleto; - o radilwe ka bokgoni bo tsotshang.	<b>10</b> - tshebediso ya puo ke e nepahetseng, mme e susumetsang sehalo sa tema - sehalo ke se matla, mme ke se loketseng; - ho na le diphoso tse seng kae tsa puo le tsa mopeleto; - o radilwe hantle.	<b>7</b> -tshebediso ya puo ke e kgotsofatsang leha ho na le ho se tsamaellane mona le mane -Ka kakaretso sehalo ke se loketseng leha puo ya bonono e le e haellang	<b>4</b> -puo ke ya motheo feela, mme e sebedisitswe ka tsela e haellang -popeho ya dipolelo ke e tshwanang e se nang motswako -tlhotlontse e haella haholo feela	
<b>SEBOPEHO</b> Makgetha a tema: popeho ya dipolelo le kgodiso ya diratswana. <b>MATSHWAO A: 5</b>	<b>5</b> -kgodiso ya sehlooho ke e babatsehang -katoloso ya mehopolole ya sehlooho ke e ikgethang -dipolelo le diratswana di bopilwe ka tsela e ikgethang	<b>4</b> - mehopolole ke e hodisang sehlooho ka tshwanelo - momahano e bopilweng ke e supang bokgoni; - dipolelo le diratswana di bopilwe hantle haholo	<b>3</b> - mehopolole ke e loketseng e hodisang sehlooho ka tsela e mahareng - dipolelo le diratswana di bopilwe hantle; - moqoqo o ntse o hlalisha moelelo.	<b>2</b> -e meng ya mehopolole ke e utlwalang -dipolelo le diratswana di na le diphoso -moqoqo o a utlwisiseha leha o le diphoso tse itseng	<b>0–1</b> - mehopolole ya bohlokwa e a haella -dipolelo le diratswana tse hlalishitsweng ke tse fosahetseng -moqoqo ha o na moelelo o lebeletsweng

**KAROLO YA B: DITEMA TSA KGOKAHANO****POTSO YA 2****2.1 LENGOLO LA SETLWAEDI/SETSWALLE****Sebopeho**

- Aterese e nngwe, ya mongodi, mme e ngolwa e qala hodimo bohareng ba leqephe ho tloha tsohong le letshehadi ho ya ho le letona;
- Aterese e ngolwa ka mokgwa wa boloko; ha ho ngolwe matshwao a puo, ntle le ha ho sebedisitswe aterese ya lebokoso la poso;
- Aterese ya moamohedi (ya ngollwang) ha e hlahiswe mofuteng ona wa lengolo;
- Kamora mohla ho tlolewa mola, ebe ho tla tumedisiso;
- Seratswana sa selelekela se lokela ho ba sekgutshwanyane;
- Mmele wa lengolo o ahwe ka diratswana tse seng kae;
- Qetelo ya lengolo ke e kgutshwane ka tlwaelo, mme e phethela ditaba;
- Lengolong la setlwaedi ha ho hlokehe hore o ngole fane ya hao.

**Dikahare tse ka lebellwang:**

- Mohlahlobuwa o ngola ka sepheo sa lengolo e leng kopo ya hore moahisane wa hae a tlohele ho lahlela matlakala a hae ka pela heke ya hae.
- A hlahise mathata a bakwang ke sena
- A nto hlahisa tharollo kopong eo ya hae.

**[25]****2.2 LENGOLO LA SEMMUSO****Sebopeho**

- Diaterese di pedi;
- *Aterese ya mongodi* wa lengolo e ngolwa ho tloha mahareng a leqephe ho leba ka letsohong le letona, e nto latelwa *ke letsatsi, kgwedi le selemo*, feela jwalo ka lengolo la setlwaedi;
- *Aterese ya ya ngollwang* (moamohedi) e ngolwa ka letsohong le letshehadi. Aterese ya moamohedi e etellwe pele ke maemo a tshebetso a ya ngollwang, ebe ho latela aterese ya hae ka botlalo.
- Tlasa aterese ho ngolwe tumedisiso (monghadi, mofumahadi kapa mofumahatsana) ka botlalo, e seng dikgutsufatso (Mong/Mof).
- Tlasa tumedisiso ho ngolwa *mola wa sehlooho* – o totobatsang sepheo sa lengolo leo.
- Kamora mola wa sehlooho ho ngolwa seratswana sa selelekela seo e leng ntshetsopele ya ditaba.
- Ho feta mona seratswana se seng le se seng ke se matlafatsang mahlakore a fapaneng a taba eo ho buuwang ka yona. Ho siuwe mola pakeng tsa diratswana.
- Qetelo le yona ke ya puo ya semmuso, mme e ka ngolwa e le 'Ka botshepehi', 'Wa tsena', 'Ka boikokobetso', jj.
- Ya ngolang lengolo o lokela ho saena pele. A nto ngola lebitso la hae ka botlalo ka tlase.

**Dikahare tse ka lebellwang:**

Mohlalobuwa o ngola lengolo le felehetsang Tokomane ya Boitsebiso le kopang ho tlatša sekgeo sa botlelereke kantorong ya kamohelo ya baeti.

**[25]****2.3 PUISANO**

Ena ke tsela eo batho ba babedi ba kenang puisanong ho buisana ka taba kapa ntlha e itseng.

**Sebopeho:**

Sehlooho se sekgutshwanyane se lelekelang ditaba.

Lebitso la sebui le ngolwe ka letsohong le letshehadi la leqephe, le bile le latelwa ke letshwao la kgutlopedi (jk. Moleboheng:)

Selelekeleng mmui o nehelana ka tlhahisoleseding e amanang le sepheo sa puisano.

**Dikahare tse ka lebellwang:**

Mohlalobuwa o tlameha ho ngola ka sepheo sa puisano, e leng ho eletsa le ho hlokomedisana ngwanana ya sebedisang dithethefatsi ebile a imme ka kotsi ya tsona.

Sehalo e be se loketseng puisano ena.

**[25]****2.4 PUO****Sebopeho**

- Pulo e ka ba polelo kapa polediso ya bohlae, e tla hohela le ho qahamisa ditsebe tsa bamamedi.
- Dintlha di hlophiswe ka boqhetseke hore puo e phalle.
- Dipolelo e be tse kgutshwane, tse kenyeleditseng bonono ho natefisa.
- Puo e phalle: ho be le selelekela, mmele wa dintlha tse momahaneng le qetelo e monate.
- Dintlha e be tse kgolwehang.

**Dikahare tse ka lebellwang:**

Mohlalobuwa a ngole puo eo a tlang ho nehelana ka yona ho fa baithuti mawa ao ba ka a sebedisang ho kwala sekgeo sa nako e senyehileng.

**[25]**

**2.5 ATIKELE E YANG MAKASINENG**

Ena ke tokomane ya dikgokahano e yang dimakasineng.

**Sebopeho**

- Atikele e ba le sehlooho se matla se bileng se hohela mahlo a mmadi;
- Lebitso la moqolotsi wa ditaba le sebaka seo atikele e ngolletsweng teng di ngolwa ka hodima seratswana sa pele;
- E arolwa ka dikholomo tse bopilweng ka diratswana tse kgutshwane;
- Ditaba di hlahiswa ka sebopeho sa phiramiti/fanele.

**ELA HLOKO:** Ha mohlalobuwa a sa ngola atikele ka mokgwa wa dikholomo/boloko, a se fuwe kotlo.

**Dikahare:**

- Mohlahlobuwa a ka qala pele ka sepheo sa atikele e leng ho lemosa baithuti ka kotsi ya ho hlatswa dipene.
- A fane ka dikeletso tseo baithuti ba ka di latelang ho qoba dikotsi tseo.

**[25]****2.6 TEKOLOKAKARETSO****Sebopeho**

Dihloohwana tse ka sebediswang ha ho ngolwa tekolokakaretso ya filimi e ka ba tsena tse latelang:

- Lebitso la filimi.
- Mohlahisi wa filimi.
- Dibapadi tsa sehlooho.
- Dintlhakgolo tsa filimi.
- Se mo qabotseng ke eng?
- Dikgaello.
- Dintlafatso.
- Molaetsa.

**[25]**

<b>MATSHWAO OHLE A KAROLO YA B:</b>	<b>50</b>
<b>MATSHWAO OHLE A PAMPIRI ENA:</b>	<b>100</b>



**KAROLO YA B: DITEMA TSA KGOKAHANO****Ditaelo ho Motshwai:**

- Mohlahlobuwa o tlameha ho ngola ka dihlooho TSE PEDI karolong ena.
- Ha mohlahlobuwa a **tswile lekoteng** nehelanong etsa tsena tse latelang:
  - Mohlahlobuwa a abelwe matshwao bakeng sa dikahare ho fella kgatong ya pele feela.
  - Mohlahlobuwa a abelwe matshwao bakeng sa tshebediso ya puo ho fella kgatong ya pele feela.
  - Mohlahlobuwa a abelwe matshwao bakeng sa sebopeho ho fella kgatong ya pele feela.
  - Mohlahlobuwa a etse moralo bakeng sa ditema tsa hae.
  - Motshwai a lekole dintlha (mehopolo ya sehlooho le e e tshehetsang) ho bona kamoo e lebisang tlhahisong ya diratswana le tema yohle kateng.

**Tataiso bakeng sa ho tshwaya ditema tsa kgokahano:**

Sehella lentswe kapa polelo e fosahetseng mola, o be o bontshe mofuta wa phoso hodima lentswe/polelo ka ho sebedisa matshwao ana a latelang.

/	bakeng sa ho arola mantswe a ngotsweng a kopantswe empa a lokela ho arolwa;
—, +	bakeng sa ho kopanya mantswe a arohantsweng empa a ngolwa a kopane;
mn	bakeng sa mongolo ( <i>orthography</i> ) o fosahetseng;
mp	bakeng sa mopeleto o fosahetseng;
mt	bakeng sa tshebediso ya matshwao a puo a fosahetseng kapa moo ho hlokehang letshwao la puo;
p	bakeng sa puo e sa sebediswang ka nepo kapa ka tshwanelo/tlwaelo;
^	bakeng sa lentswe kapa karolwana ya lentswe e siilweng dipakeng tsa mantswe a mang;
//	bakeng sa ho arola diratswana;
←	bakeng sa ha mohlahlobuwa a qadile polelo hara mola;
↑↓	bakeng sa ha mohlahlobuwa a fetoletse dintlha tsa hae a qadile ka eo a lokelang ho qetella ka yona.

**ELA HLOKO:**

- Sebedisa ruburiki ena e latelang ka nako tsohle ha o lekanyetsa ditema tsa kgokahano.
- Matshwao a 0–25 a arotswe ho ya ka dikgato tse 5 tsa ditlhaloso tsa phihlello.

**SENOTLOLO SA HO TSHWAYA:**

<b>Makgetha a Tekanyetso</b>	<b>Matshwao</b>	<b>Senotlolo</b>
Dikahare, Moralo le Sebopeho	15	DMS. =
Puo, Setaele le Tokiso ya diphoso	10	PST =
<b>Matshwao ohle</b>	<b>25</b>	

**RUBURIKI YA HO LEKANYETSA TEMA YA KGOKAHANO – SESOTHO PUO YA LAPENG [MATSHWAO A 25]**

<b>Makgetha a ho lekanyetsa</b>	<b>Phihlello e babatsehang</b>	<b>Phihlello e supang bokgoni</b>	<b>Phihlello e mahareng</b>	<b>Phihlello ya motheo feela</b>	<b>Phihlello e haellang</b>
<b>DIKAHARE, MORALO LE SEBOPEHO</b>  (Nhelano le mehopolo)  Ho rala, ho hlophisa mehopolo  Kelohlolo ya maikemisetso, baamohedi ba ditaba le matshwao/makgetha a tema le maemo  <b>MATSHWAO A: 15</b>	<b>13–15</b>  -Nhelano e babatsehang ya sehlooho e supang bokgoni bo ikgethang -Mehopolo e matla e sutsitseng -Tsebo e batsi ya makgetha a mofuta ona wa tema -Nhelano ha e kgere e tsepame sehloohong -Mehopolo le dikahare ke tse momahaneng, tse hlalositsweng ka botebo, mme dintlha di tshhehetsa sehlooho -Sebopeho ke se loketseng se nang le diphoso tse mmalwa feela. -Sebopeho ke se nepahetseng	<b>10–12</b>  -Nhelano e ntle haholo e bontshang tsebo e ntle ya makgetha a mofuta ona wa tema -Nhelano ha e kgere e tsepame sehloohong -Mehopolo le dikahare ke tse momahaneng, tse hlalositsweng ka botebo, mme dintlha di tshhehetsa sehlooho -Sebopeho ke se loketseng se nang le diphoso tse mmalwa feela.	<b>7–9</b>  -Nhelano e lekaneng e bontshang tsebo ya makgetha a mofuta ona wa tema. -Nhelano e na le tsepamo e itseng feela sehloohong mme ho na le ho kgera ho itseng. -Mehopolo le dikahare di na le momahano e amoheleng. -Ke dintlha tse itseng feela tse tshhehetsang sehlooho. -Ka kakaretso sebopeho ke se loketseng empa se nang le diphoso tse itseng.	<b>4–6</b>  -Nhelano ya motheo e bontshang tsebo ya makgetha a itseng feela a mofuta ona wa tema -Nhelano ha e a tsepama sehloohong ka ho phethahala mme e a kgera -Mehopolo le dikahare ha se ka mehla di momahaneng -Sehlooho se tshhehetswa ke dintlha tse itseng feela -Sebopeho se fofo feela, mme se na le bohloka bo boholo	<b>0–3</b>  -Nhelano e totobatsa kgaello ya tsebo ya makgetha a mofuta ona wa tema -Moelelo o nyotobetswa ke ho kgera ho hoholo -Mehopolo le dikahare ha di na momahano -Ke dintlha tse mmalwa haholo tse tshhehetsang sehlooho -Ha ho na boiteko bo entsweng ho sebedisa sebopeho se nepahetseng
<b>PUO, SETAELE LE TOKISO YA DIPHOSO</b>  Sehalo, rejisetara, setaele, maikemisetso, baamohedi ba ditaba le maemo.  Tshebediso ya puo, tlwaelo ya tshebediso ya puo, kgetho ya mantswe, matshwao a puo le mopeleto.  <b>MATSHWAO A: 10</b>	<b>9–10</b>  -Sehalo, rejisetara, setaele le tlotlontswe di loketse maikemisetso, baamohedi ba ditaba le maemo ka tsela e babatsehang -Tshebediso ya puo e nepahetse ebile e bopehile hantle haholo -Nhelano ha e na diphoso	<b>7–8</b>  -Sehalo, rejisetara, setaele le tlotlontswe di loketse maikemisetso, baamohedi ba ditaba le maemo hantle -Ka kakaretso tshebediso ya puo ke e nepahetseng e bileng e bopehile hantle -Tshebediso ya tlotlontswe e ntle haholo -Nhelano boholo ha e na diphoso	<b>5–6</b>  -Sehalo, rejisetara, setaele le tlotlontswe di loketse maikemisetso, baamohedi ba ditaba le maemo -Nhelano e na le diphoso tse itseng tsa tshebediso ya puo -Tshebediso ya tlotlontswe ke e lekaneng -Diphoso ha se tse nyotobetsang moelelo	<b>3–4</b>  -Sehalo, rejisetara, setaele le tlotlontswe di loketse maikemisetso, baamohedi ba ditaba le maemo hanyane -Tshebediso ya puo e fosahetse ebile e tletse diphoso tse ngata -Tshebediso e seng kae ya tlotlontswe -Moelelo o nyotobeditse	<b>0–2</b>  -Sehalo, rejisetara, setaele le tlotlontswe ha di dumellane le maikemisetso, baamohedi ba ditaba le maemo -Nhelano e tletse diphoso e dubakane -Tlotlontswe ha e dumellane le maemo -Diphoso di nyotobeditse moelelo haholo.